

Josua

Josua gêwê lau Israel gêjô Mose su jasêku lau Kanaan tulu ma sêjanjo gamêj tau su namij gêc buku, tec sê Josuanê naê kêpi nec nalêlôm.

Buku tau jasêbu kapôêj têlêac gebe

1. Môkêlatu 1-12 Lau Israel selom bu Jordan jasêsa Kanaan ma sêkôc nom tau su anja malacm nêj.
2. Môkêlatu 13-22 Lau Israel sêpuc kapoac gebe gôlôacmôkê ngêdô 9 to Manasenê gôlôac namakenj têtap nêj nom sa anja gamêj, taj gêc bu Jordan namakenj gêmu oc kêsêpja nanj.
3. Môkêlatu 23-24 Josua kêsaê gebe nê noc êwi nom sinja kêdabinj, tec kêkalem lau Israel sêkac sa ma gêlêj binj êsêac kêtû dim luagêc. Lau Israel sêsôm kêtû tôj kêtiam gebe sejop Anôtônê poac ma sênam sakinj enj taugenj endenj tôjgenj.

Lau Israel sêmasanj tauj gebe sêsa gamêj Kanaan sêna

¹ Apômtaunê sakinwaga Mose gêmâc êndu su, go Apômtau kêsôm binj gêdêj Mosenê sakinwaga Nun latu Josua gebe ² “Noc sakinwaga Mose gêmâc êndu, amboac tonanj ôndi olom bu Jordan tonec. Lau samob sêwinj aôm, ma naaô lasê gamêj, taj galoc jakêj êndêj lau Israel nanj. ³ Gamêj samob, taj emtapa aka nanj, aê jakêj êndêj amac êtôm gajac mata gêdêj Mose. ⁴ Gamêj samob, taj gêc gamêj sawa to lôc Lebanon ma bu kapôêj Euprat, taj kêtû lau Het nêj gamêj nanj, e gêdêj gwêc kapôêj,

tañ kêpoac gêmu oc kêsêpna nanñ ñasawa, gamêñ samob tonañ êtu amacnêm nom. ⁵ Êtôm têm ômoa matam jalinã nanñ, ñac tenñ êtôm gebe êkô aôm auc atom. Aê jamoa jawinñ aôm êtôm gamoa gawinñ Mose. Aê oc janğaminñ tauc êndênñ aôm to jawi aôm sinñ atom. ⁶ Ôkô ñajaña totêmtac êpa sugenñ, gebe aôm taômgenñ ôkênñ lau tonec sêwê kainñ gamêñ, tañ katôc lemoc gêdênñ êsêac tamenñ gebe jakênñ êndênñ êsêacña nanñ. ⁷ Amboac tonañ ôkô ñajaña totêmtac êpa sugenñ ma ojop taôm gebe ôñğôm binjsu samob, tañ ñoc sakinwaga Mose kêjatu aôm nanñ, ñanô êsa. Ôwi binjsu tau sinñ ma o sic ômu anô me gasêña atom, ec ôtap nêm lênñ ñanô ñajam sa. ⁸ Binjsu ñabuku ñabinñ ênêc aôm awamsunñ ñapanğenñ. Taêm ênam binñ tau ênêc nêm ñalêlôm êtôm elenñ to êmbêc, ec ôñğôm binñ samob, tañ teto gêc buku tau nanñ, ñanô êsa tomalagenñ. Embe ôñğôm amboac tonañ, go ôsa nêm lênñ e ônac dabinñ ñapep ma ôtap nêm lênñ ñanô ñajam sa. ⁹ Aê kajatu aôm gebe ôkô ñajaña totêmtac êpa sugenñ. Ôtêc taôm atom ma katôm ôluñ-ôluñ atom, gebe Apômtau, aômnêm Anôtô, oc êmoa êwinñ aôm êtôm lênñ samob, tañ ôsa ôna nanñ.”

¹⁰ Go Josua kêjatu launênñ kasêga gebe ¹¹ “Asa gamêñ becña ana ma ajatu lau gebe ‘Amansañ nêm gênñ aninña gebe êpuc amac tônñ anğa intêna. Bêc têlêac ênaña acgom, go alom bu Jordan tonec naakôc nom, tañ Apômtau, amacnêm Anôtô, gebe êkênñ êndênñ amac nanñ su, gebe êtu amacnêm gamêñ.’”

¹² Go Josua kêsôm gêdênñ lau Ruben to Gad ma lau Manase ñamakenñ gebe ¹³ “Taêm ênam binñ, tañ Apômtaunê sakinwaga Mose kêjatu amac nanñ, gebe

‘Apômtau, amacnê Anôtô, oc êkêḡ gamêḡ alêwan taômḡa êndêḡ amac, ma gebe êkêḡ nom tonec êndêḡ amac.’ ¹⁴ Amacnêḡ lau to nêḡ gôlôac ḡasec-ḡasec ma nêḡ bulimakao sêmoa gamêḡ, taḡ Mose kêkêḡ gêdêḡ amac gêc bu Jordan ḡamakeḡ tonecḡa naḡ. Mago amacnêḡ lau ḡaclai sêḡa laukasap sa naselom bu sêmuḡ nêḡ lasitêwai ma sênam êsêac sa ¹⁵ e Apômtau êkêḡ nêḡ lasitêwai sêlêwan taḡ têtôm amac ma sêḡgôḡ têtḡ wakac aḡḡa gamêḡ, taḡ Apômtau êkêḡ êndêḡ êsêac naḡ. Su, go amac amu amêḡ nom, taḡ kêtḡ amacnêḡ gamêḡ naḡ. Apômtaunê sakiḡwaga Mose kêkêḡ gamêḡ, taḡ gêc bu Jordan ḡamakeḡ gêmu oc kêpiḡa naḡ, gêdêḡ amac.” ¹⁶ Ma êsêac sêḡô Josua awa gebe” Biḡ samob, taḡ kôjatu aêac naḡ, aêac abe aḡgôm ḡanô êsa, ma asa gamêḡ samob, taḡ ôsakiḡ aêac naḡ ana. ¹⁷ Aêac taḡeḡ wamu aôm êtôm taḡeḡ wamu Mosenê biḡ samob. Biḡ tagenḡ tonec gebe Apômtau, aômḡnêḡ Anôtô êmoa êwiḡ aôm êtôm gêmoa gêwiḡ Mose. ¹⁸ Lau samob, taḡ sêli aweḡ sa êndêḡ aômḡnêḡ jatu to taḡeḡḡêc aômḡnêḡ biḡ, taḡ ôjatu êsêac naḡ, oc sênac êsêac êndḡ. Biḡ tagenḡ tonec gebe ôkô ḡajaḡa ma têtḡtac êpa su.”

2

Josua kêsakiḡ kelenḡwaga sêḡa Jeriko

¹ Go Nun latu Josua kêsakiḡ ḡac luagêc kelecgen aḡḡa gamêḡ Sitim, gebe sêkêḡ kelenḡ gamêḡ. Eḡ kêsôm gêdêḡ êsêagêc gebe “Ajôc, amagêc akêḡ kelenḡ gamêḡ to malac Jeriko amboac tonanḡeḡ.” Ma êsêagêc sêḡa jasêô lasê mockaiḡo teḡ nê andu ma sêḡgôḡ tônê. Awê tau nê ḡaê gebe Rahab.

² Ma lau sêkêñ ñawae gêdêñ kiñ Jerikonja ma sêsôm gebe “Ôlic acgom, gêdêñ gêbêc lau Israel nêñ lau ñagêdô sêô lasê tonec gebe sêlic gamêñ.” ³ Go kiñ Jerikonja kêsakiñ lau dêdêñ Rahab jasêsôm gebe “Ôkêñ lau, tañ sêpi nêñ andu dêdêñ aôm sêwac nañ, sêsa sêmêñ. Êsêac sêmêñ gebe sêkêñ kelenj gamêñ.” ⁴ Mago awê kêkôc ñaclagêc sa jakêsiñ êsêagêc ôkwi ma kêsôm gebe “Biñjanô, lau dêdêñ aê sêmêñ, mago aê gajam kauc êsêac sêmêñ anja ondoc. ⁵ Gêdêñ tañ gamêñ ñakesec kêsa ma kêdabiñ gebe sênsañ malac ñakatam auc nañ, lau tau sêc sêja. Gamêñ tañ êsêac sêja nañ, aê gajam kauc. Andanguc êsêac ñagaôgenj, oc aê êsêac tônj.” ⁶ Mago awê tau gêwê êsêagêc sêpi salôm ñaô jakêsiñ êsêagêc sêc mê ñalaunj, tañ enj kêta gêc salôm ñaô nañ ñalêlôm. ⁷ Amboac tonañ lau tau têdaguc êsêagêc sêsa intêna Jordanna sêja e jadêdêñ buselenj. Lau tonañ sêwi malac siñ, ma sêsanj katam auc.

⁸ Ñaclagêc tau sêc bêc atom tagenj ma awê kêpi salôm gêdêñ êsêagêc gêja ⁹ ma kêsôm gêdêñ êsêagêc gebe “Aê kajalagac gebe Apômtau kêkêñ gamêñ tonec gêdêñ amac, ma aêac samob atêc amac, ma lau gamêñ tonecña nêñ ñalêlôm kêtû palê sugac. ¹⁰ Gebe aêac anjô ñawae, gebe Apômtau kêkêñ Gwêckoc kêtû kelenj kêtû amacña gêdêñ tañ awi Aiguptu siñ nañ. Ma anjô gênj, tañ agôm gêdêñ lau Amor nêñ kiñ luagêc Sihon agêc Og anja Jordan ñamakenj ônêña. Amac asenj êsêagêc su samucgenj. ¹¹ Gêdêñ ñasawa, tañ aêac anjô biñ tonañ nañ, aêacma ñalêlôm kêtû palê kêtû amacña, ma ñajaña tenj gêc lau tenj kêtiam atom, gebe Apômtau, amacnêñ Anôtô, enj undambê lólôcña ma nom

elonja naAnôtô. ¹² Amboac tonan atôc lememe êndên Apômtau ma asôm êndên aê gebe taêm walô tamocnê gôlôac êtôm aê tauc taéc walô amagêc. Ma akên nabelo nanô tenj êndên aê. ¹³ Aôc lememe tôj êndên tinoc agêc tamoc ma lasicio to nac ma êsêacnên lau samob, ma anam aêac sa gebe amac êndu atom.” ¹⁴ Ma naclagêc sêsôm gêdên enj gebe “Amac embe aoc aêagêcma binj tonec lasê atom, go aêagêc anac da amac. Êndên tanj Apômtau êkên gamên tau êndên aêac nanj, taênj walô amac to amosinj amac.”

¹⁵ Go awê tau kêlêwanj êsêagêc na lêpoa sêsêp katam saunj, gebe nê andu kêtû tunjôm malacnja gêwinj, tec tunjôm kêtû ênê andu. ¹⁶ Ma enj kêsôm gêdên êsêagêc gebe “Api lôc ana, gebe sêjandawaga têtap amagêc sa atom. Asinj taôm amoa tônê êtôm bêc têlêac e sêjandawaga sêmu sêmênj su acgom, go amagêc asa nê intêna ana.” ¹⁷⁻¹⁸ Go naclagêc sêsôm gêdên enj gebe “Ôlic acgom, êndên tanj aêac asa gamênj tonec amênj nanj, ômoatinj gam kokoc tonec enjkalenj katam saunj, tanj kôlêwanj aêagêc asêp amênj nanj. Ma tênam agêc tamam to lômi ma tamamnê gôlôac samob sêpi tagenj anja nê andu. Embe ôngôm tonec atom, go binj, tanj aôm kôsôm gebe atôc lemenj êpi nanj, ênsêlô. ¹⁹ Nac tenj embe êwi nê andu sinj êsa intêna êna, nanj enj tau êwê nê dec njakainj, aêac atom. Mago nac tenj, tanj êmoa andu njalêlôm êwinj aôm nanj, embe êtap gênwapac sa, go aêac awê ênê dec njakainj. ²⁰ Ma aôm embe ôsôm aêagêcma binj tonan lasê, go binj, tanj aôm kôsôm gebe aêagêc atôc lemenj êpi nanj ênsêlô.” ²¹ Ma awê tau kêsôm gebe “Binj tanj asôm su nanj, nanô êsa.” Go

kêsakiñ êsêagêc gebe sêc sêna, tec êsêagêc sêwi enj sinj ma sêja. Ma enj tau kêmoatiñ gam kokoc geñkaleñ katam sauj tau.

²² Êsêagêc sêwi awê tau sinj jasêpi lôc ma sêmoa tônê kêtôm bêc têlêac e sêjandawaga sêmu sêja. Sêjandawaga sesom gamêñ, tañ gêc intêna maken-makeñ nañ, mago têtap lau teñ sa atom. ²³ Go ñaclagêc sêsêp anga lôc sêmêñ kêtiam jaselom bu ma sêo lasê dêdêñ Nun latu Josua, go sêjac miñ biñ samob, tañ kêtap êsêagêc sa nañ, gêdêñ enj. ²⁴ Ma sêsôm gêdêñ Josua gebe “Apômtau kêkêñ gamêñ samob kêsêp aêac lemeñ biññanôgeñ. Ma biñ teñ, lau gamêñ tauña samob sêmoa tonêñ ñalêlôm ñatutucgeñ kêtú aêacña.”

3

Lau Israel selom bu Jordan

¹ Gêdêñ bêbêc kanucgeñ Josua gêdi ma gêwi Sitim sinj ma lau Israel samob sêwiñ enj. Êsêac sêo lasê bu Jordan ma sê becobo anga tônê, selom sebeñ atom. ² Bêc têlêac gêbacnê, go sinjwaganêñ laumata sêsêlêñ sêmoa gamêñ becña ñalêlôm ³ ma sêjatu lau gebe “Amac embe alic Apômtau, amacnê Anôtô, nê katapa poacña, tañ lau Lewi nêñ dabuñwaga sêmbalañ nañ, go andi ma andançuc katapa tau, ⁴ ec ajala intêna, tañ asa nañ, gebe amac asa intêna tonec kwanançgeñ atom. Mago ñasawa êniñ katapa to amac êngic. Ñasawa tau amboac saka 500. Andambiñ katapa tau atom.” ⁵ Ma Josua kêsôm gêdêñ lau gebe “Anam dabuñ taôm, gebe eleñña Apômtau gebe êngôm gêñtalô anga amac ñalêlôm.” ⁶ Ma Josua kêsôm gêdêñ dabuñwaga gebe “Aôc katapa poacña

sa ma asêlêḡ amuḡ.” Tec êsêac sêôc katapa poacḡa tau sa ma sêselêḡ sêmuḡ lau.

⁷ Ma Apômtau kêsôm gêdêḡ Josua gebe “Ocsalô aê gabe jatoc aôm sa lau Israel samob sêlic e sêjala gebe aê oc jamoa jawiḡ aôm êtôm gamoa gawiḡ Mose. ⁸ Ma aôm ôjatu dabuḡwaga, taḡ sêmbalaḡ katapa poacḡa naḡ, gebe ‘Êndêḡ taḡ aô lasê Jordan ḡatali naḡ, akô ḡaḡêḡgeḡ aḡa bu ḡalêlôm.’”

⁹ Go Josua kêsôm gêdêḡ lau Israel gebe “Ajôc, atu gasuc amêḡ, ma akêḡ taḡem Apômtau, amacnêḡ Anôtô, nê biḡ.” ¹⁰ Ma Josua kêsôm gebe “Biḡ tonec êwa sa êndêḡ amac gebe Anôtô mata jali gêmoa gêwiḡ amac ma eḡ êselêḡ êmuḡ amac ma êjanda lau Kanaan to Het ma lau Hiw to Peris ma lau Girgas to Amor ma Jebus biḡḡaḡoḡeḡ. ¹¹ Alic acgom, Apômtau, taḡ kêtú nom samucgeḡ ḡatau naḡ, nê katapa poacḡa elom bu Jordan êmuḡ amac. ¹² Ma galoc aḡaliḡ lau ¹² sa aḡa Israelnêḡ gôlôacmôkêḡnêḡ, ḡac tagen-tagenêḡ êtôm gôlôacmôkêḡeḡ. ¹³ Ma êndêḡ taḡ lau dabuḡ, taḡ sêmbalaḡ Apômtau, nom samucgeḡ ḡatau, nê katapa naḡ, sêu enḡapa êsêḡ bu Jordan, go bu tau enselenêḡ êtiam atom êpoac ma bumôkê êlêc sa naêkô amboac lênsaḡ teḡ.”

¹⁴ Amboac tonaḡ gêdêḡ taḡ lau dêdi aḡa nêḡ becobo sebe selom bu Jordan naḡ, dabuḡwaga sêbalaḡ katapa poacḡa sêmuḡ lau. ¹⁵ Ma gêdêḡ taḡ dabuḡwaga, taḡ sêbalaḡ katapa naḡ, sêo lasê Jordan ma gêdêḡ taḡ lau-sabalaḡ-katapawaga tau sêu enḡkaiḡ kêsêḡ bu, taḡ kêsalê Jordan ḡatali auc gêdêḡ têm sêjac kôm ḡaḡô saḡa naḡ, ¹⁶ bumôkê gêlêc sa jakêsuḡ tôḡ kêkô Jaêcgeḡ amboac lênsaḡ

kêkanônḡ malac Adam, taḡ gêc Sareta ḡagala naḡ. Ma bu aêḡa, taḡ kêsa gwêc Arabaḡa, taḡ sêsam teḡ gebe Gwêcmatê naḡ, kêpa samucgeḡ. Ma lau selom sêsêp gamêḡ, taḡ kêkanônḡ Jeriko naḡ. ¹⁷ Ma gêdêḡ taḡ lau Israel samob sêsêlêḡ sêmoa gamêḡ kelengeḡ jasêpi bumakeḡ naḡ, dabuḡwaga, taḡ sêbalaḡ katapa poacḡa naḡ, sêkô gamêḡ ḡakelenḡ aḡga bu Jordan ḡaluḡ e lau samob selom bu Jordan gêbacnê.

4

Poc 12, naḡ sêkôc aḡga Jordan

¹ Lau samob selom bu Jordan jasêpi su acgom, go Apômtau kêsôm gêdêḡ Josua gebe ² “Ôjaliḡ lau 12 sa aḡga launêḡ, ḡac tagenḡ-tagenḡ êtôm gôlôacmôkêgeḡ, ³ ma ôjatu êsêac gebe ‘Akôc poc 12 aḡga Jordan ḡaluḡ tonec, akôc aḡga gamêḡ, taḡ dabuḡwaga eḡtapa sêka naḡ, ma akôc poc tau amêḡ bumakeḡ ma atoc poc tau êkô gamêḡ, taḡ êmbêc anêc naḡ.’ ” ⁴ Go Josua kêkalem lau 12 tau aḡga lau Israel nêḡ, taḡ kêjaliḡ sa naḡ, ḡac tagenḡ-tagenḡ kêtôm gôlôacmôkêgeḡ. ⁵ Ma Josua kêsôm gêdêḡ êsêac gebe “Asêlêḡ naamuḡ Apômtau, amacnêḡ Anôtô, nê katapa êsêp bu Jordan ḡaluḡgeḡ ma aôc poc tagenḡ-tagenḡ êtômgeḡ ma poc tau ḡanamba êtôm Israelnêḡ gôlôacmôkê. ⁶ Poc tonaiḡ êtu ḡabelo êkô amac ḡalêlôm. Ma embe nêḡ ḡapalêo to ḡac têtû kênac amac êtu ḡamu gebe ‘Poc tonec gebe êwa asageḡ sa êndêḡ amac,’ ⁷ go anac miḡ êndêḡ êsêac gebe Bu Jordan gêlêc sa ma kêkêḡ ḡasawa gêdêḡ Apômtaunê katapa poacḡa. Gêdêḡ taḡ katapa tau gelom Jordan naḡ, ḡabu gêlêc sa. Tec poc tonec êtu ḡabelo teḡgeḡḡa êndêḡ lau Israel.”

⁸ Ma lau tau sêgôm biñ, tañ Josua kêjatu nañ, ñanô kêsa ma sêkôc poc 12 anğa Jordan ñaluñgeñ kêtôm lau Israel nêñ gôlôacmôkênêñ ton, kêtôm tañ Apômtau kêsôm gêdêñ Josua nañ. Ma êsêac sêôc poc tau selom jasêpi gamêñ, tañ sebe sênêc nañ, ma tetoc poc tau sêngôñ tonañ. ⁹ Ma Josua gêboa poc 12 sa kêkô Jordan ñaluñgeñ anğa gamêñ, tañ dabuñwaga sêbalañ Apômtaunê katapa ma entapa sêka nañ, ma poc tau kêkô tônê e mênğêdêñ galoc. ¹⁰ Ma Apômtau kêjatu Josua gebe êsôm biñ, tañ Mose kêjatu Josua nañ, êndêñ lau Israel. Ma dabuñwaga, tañ sêbalañ katapa nañ, gacgeñ sêkô Jordan ñaluñgeñ e biñ samob, tañ Apômtau kêjatu Josua nañ, ñanô kêsa.

Ma lau selom sêkac taunğeñ sêja bumakeñ. ¹¹ Ma gêdêñ tañ lau samob selom jasêpi ñamakeñ su nañ, Apômtaunê katapa to dabuñwaga selom amboac tonanğeñ sêmuñ lau. ¹² Rubennê wakuc ma Gadnê wakuc to Manasenê gôlôac ñamakeñ selom tolaukasapgeñ sêmuñ lau Israel kêtôm Mose kêjatu êsêac. ¹³ Siñwaga tolaukasap amboac 40,000 selom jasêpi Jeriko ñagamêñ gaboanña sêja. Êsêac sêmasañ taunğeñ gebe sênac siñ sêmoa Apômtau lañônêmña. ¹⁴ Gêdêñ bêc tonañ Apômtau ketoc Josua sa anğa lau Israel lañônêñem ña ma êsêac têtêc eñ kêtôm têm, tañ gêmoa mata jali nañ, kêtôm têtêc Mose.

¹⁵ Ma Apômtau kêsôm gêdêñ Josua gebe ¹⁶ “Ôjatu dabuñwaga, tañ sêbalañ katapa poacña nañ, gebe sêpi anğa Jordan sêmêñ.” ¹⁷ Amboac tonañ Josua kêjatu dabuñwaga gebe “Api anğa Jordan amêñ.” ¹⁸ Ma gêdêñ tañ dabuñwaga, tañ sêbalañ Apômtaunê katapa poacña nañ, sêpi anğa Jordan ñaluñ su ma

êsêac entapa sêka gamêñ ñakelen nan, bu Jordan gêjô tau mala e kêsâlê butali auc kêtiam kêtôm gêmunña.

¹⁹ Lau mênșêpi anğa Jordan gêdên ajôn ñamataña ñabêc kêtü 10 ma sê nêñ bec sênğôn Gilgal, tañ gêc malac Jeriko ñagamên oc kêpiña nan. ²⁰ Ma Josua gêboa poc 12, tañ êsêac sêkôc anğa Jordan nan, sa anğa Gilgal. ²¹ Ma en kêsôm gêdên lau Israel gebe “Amacnêm ñapalêo to ñac embe têtü kênac tamenji êtu ñamu gebe ‘Poc tonec ñam amboac ondoc,’ ²² go awa sa êndên êsêac ma asôm gebe ‘Lau Israel selom bu Jordan tonec sêmoa gamên kelenğen,’ ²³ gebe Apômtau, amacnêm Anôtô, gêgôm bu Jordan kêpa kêtü amacña e alom mênapi ñamaken kêtôm gêgôm gêdên Gwêckoc, tañ gêgôm kêpa kêtü aêacña e alom mênapi ñamaken. ²⁴ En gêgôm gên tonan, gebe lau tomôkê-tomôkê nomña sêjala, gebe Apômtau lêma ñajaña ma gebe amac atêc Apômtau, amacnêm Anôtô, enden tônğen.”

5

¹ Lau Amor nêñ kiñ samob, tañ sêmoa bu Jordan ñamaken kêsî gamên oc kêsêpña nan, ma lau Kanaan nêñ kiñ samob, tañ sênğôn gwêctali nan, sênğô ñawae gebe Apômtau gêgôm bu Jordan kêpa kêtü lau Israelña e selom bu su, tec nêñ ñalêlôm kêtü palê ma nêñ ñaclai gêbacnê kêtü lau Israelña.

Josua kêsa lau ma êsêac sêlic om Pasa anğa Gilgal

² Gêdên ñasawa tonan Apômtau kêsôm gêdên Josua gebe “Ômansan bôjan poc ma ôsa lau Israel êtiam êtu luagêcña.” ³ Amboac tonan Josua kêmasan bôjan poc ma kêsa lau Israel anğa

Gibeat-Haralot. ⁴ Josua kêsa êsêac kêtu ñam amboac tonecña gebe lau to siñwaga samob, tañ sêwi Aiguptu siñ nan, sêmac êndu anğa intêna gamêñ sawaña gêdêñ tañ sêwi Aiguptu siñ su nan. ⁵ Êsêac sêsa lau samob, tañ sêmêñ nan, mago lau samob, tañ tenenji sêkôc êsêac gêdêñ tañ sêwi Aiguptu siñ su ma sêmoa intêna gamêñ sawaña nan, tec sêsa êsêac atom. ⁶ Gebe lau Israel sêsêlêñ sêmoa gamêñ sawa kêtôm jala 40 e lau samob to siñwaga samob, tañ sêwi Aiguptu siñ nan, sêjaña anğa gamêñ sawa kêtu êsêac sêkêñ tañ Apômtau awa atomña, tec Apômtau kêtôc lêma gebe êsêac sêlic gamêñ, tañ Apômtau gêjac mata gêdêñ aêac tamenji gebe êkêñ gamêñ, tañ su to lêp keselen êndêñ aêac nan atom. ⁷ Amboac tonan Josua kêsa êsêac gebe êsêac sêsa lau tonan anğa intêna atom.

⁸ Gêdêñ tañ sêsa lau samob su nan, sêngôn nêñ gamêñ becoboñagen e kamoc gemo. ⁹ Ma Apômtau kêsôm gêdêñ Josua gebe “Ocsalô tonec aê kakac biñ majen Aiguptuña su anğa amacnêm.” Tec sê gamêñ tau ñaê gebe Gilgal e mêngêdêñ galoc.

¹⁰ Lau Israel sê nêñ becobo sêngôn Gilgal ma gêdêñ ajôn tonan ñabêc kêtu 14 ñagêbêc êsêac sêlic om Pasa. Êsêac sêmoa malac Jeriko ñagamêñ gaboanña. ¹¹ Sen Pasa su ma ñagelen êsêac sen gamêñ tau ñakôm ñanô, sen polom ñaluc to polom ñanô, tañ sêpac nan, gêdêñ bêc tonanjen. ¹² Ma mana tau gêbacnê gêdêñ bêbêcgen tonan, gêdêñ tañ sen gamêñ tau ñakôm ñanô nan. Ma lau Israel têtap mana sa kêtiam atom, sen gamêñ Kanaan ñakôm ñanô gêdêñ jala tonan.

Josua agêc ñac tosin

13 Gêdêḅ taḅ Josua gêmoa Jeriko ḅamalac gala naḅ, eḅ gêôc mataanô sa ma gêlic ḅac teḅ kêkô eḅ laḅônêmḅa. ḅac tau gê nê siḅ sa ma kêmêgôm siḅ tau ḅa lêma. Josua gêdêḅ eḅ gêja ma kêsôm gêdêḅ eḅ gebe “Aêacma ḅac aôm me ma ḅaçonêḅ ḅac aôm.” 14 Ma eḅ kêsôm gebe “Masi, aê Apômtaunê siḅwaganêḅ laumata. Galocgeḅ tec gamêḅ.” Go Josua gêu tau jagêc laḅôanô gêdêḅ nom ma ketēḅ mec to kêsôm gêdêḅ eḅ gebe “ḅoc apômtau êjatu biḅ ondoc êndêḅ nê sakiḅwaga.” 15 Ma Apômtaunê siḅwaganêḅ laumata kêsôm gêdêḅ Josua gebe “Ônu atapa su aḅga amtapa, gebe gamêḅ, taḅ kôkô naḅ, gamêḅ dabuḅ.” Ma Josua gêgôm kêtôm tonā. *

6

Lau Israel sêku malac Jeriko tulu

1 Ma lau Jeriko sêbalaḅ nêḅ malac auc ḅapep kêtū lau Israelḅa. Lau teḅ sêsô-sêsa atom. 2 Ma Apômtau kêsôm gêdêḅ Josua gebe “Ôlic acgom, aê kakêḅ Jeriko to ḅakiḅ ma siḅwaga tonḅaclai sêsêp aôm lêmam. 3 Amboac tonā amac siḅwaga samob asêlêḅ aḅgi malac tau auc êtu dim tageḅ. Ma aḅgôm amboac tonā êtôm bêc 6. 4 Ma dabuḅwaga 7 sêkôc dauc 7 sêsêlêḅ sêmuḅ katapa poacḅa. Ma êndêḅ bêc êtu 7ḅa amac asêlêḅ aḅgi malac auc êtu dim 7 ma dabuḅwaga sênac dauc êtaḅ. 5 Ma êsêac embe sênac dauc êtaḅ ê tôḅ baliḅgeḅ, ma amac embe aḅô dauc êtaḅ amboac tonā, go lau samob sênam lasê toaligeḅ ma malac ḅatuḅbôm êku sa ma lau samob gacgeḅ sembo sêsa malaclêlôm

* 5:15: Gilgal ḅam gebe Takac su.

sêna.” ⁶ Amboac tonañ Nun latu Josua kêkalem dabuñwaga ma kêsôm gêdêñ êsêac gebe “Aôc katapa poacña sa ma dabuñwaga 7 sêkôc dauc 7 ma sêsêlêñ sêmuñ Apômtaunê katapa poacña.” ⁷ Ma eñ kêsôm gêdêñ lau gebe “Ajôc, asêlêñ anji malac auc ma siñwaga tolaukasap sêsêlêñ sêmuñ Apômtaunê katapa.”

⁸ Ma lau sêgôm biñ, tañ Josua kêjatu nañ, ñanô kêsa. Dabuñwaga 7 sêkôc dauc 7 ma sêsêlêñ sêmuñ sêmoa Apômtaunê lanônêmña. Êsêac sêjac dauc kêtañ ma Apômtaunê katapa poacña kêsêlêñ kêdaguc êsêac. ⁹ Ma siñwaga tolaukasap sêsêlêñ sêmuñ dabuñwaga, tañ sêjac dauc kêtañ ñapañ. ¹⁰ Ma Josua kêjatu lau gebe “Anam lasê atom, anam taôm tôñgeñ, asôm biñ teñ êsa awemsuñ atom e êndêñ bêc aê jasôm êndêñ amac gebe Anam lasê, go anam lasê.” ¹¹ Amboac tonañ eñ kêsakiñ Apômtaunê katapa kêgi malac tau auc kêtu dim tagen. Su, go sêo lasê gamêñ becoboña kêtiam ma sêc bêc anja tonañ.

¹² Gêdêñ bêbêc kanucgen Josua gêdi sa ma dabuñwaga sêbalañ Apômtaunê katapa. ¹³ Ma dabuñwaga 7 sêkôc dauc 7 sêsêlêñ sêmuñ Apômtaunê katapa ma sêjac dauc ñapañ. Ma siñwaga tolaukasap sêsêlêñ sêmuñ êsêac ma lau ñagêdô têdaguc Apômtaunê katapa, ma dauc kêtañ ñapañ. ¹⁴ Ma gêdêñ bêc kêtu luagêcña êsêac sêsêlêñ sêgi malac auc kêtu dim tagen amboac tonanjen ma sêmu sêja gamêñ becoboña. Sêgôm amboac tonañ kêtôm bêc 6.

¹⁵ Gêdêñ bêc kêtu 7ña êsêac dêdi gêdêñ gelen mata ma sêsêlêñ sêgi malac auc amboac sêgôm-sêgôm

kêtu dim 7. Gêdêñ bêc tagenñ tonanğenñ tec êsêac sêsêlêñ sêgi malac auc kêtu dim 7. ¹⁶ Ma gêdêñ tañ sêgi malac auc kêtu dim 7ña ma dabuñwaga sêjac dauc kêtañ nañ, Josua kêsôm gêdêñ lau gebe “Anam lasêmañ, gebe Apômtau kêkêñ malac tau gêdêñ amac. ¹⁷ Ma malac to ñagêñ samob êtu Apômtaunê gêñ enseñ suña. Mockaino Rahab to nê lau samob, tañ sêmoa sêwiñ eñ anğa ênê andu nañ, taunğenñ go sêmoa mateñ jali, gebe eñ gêsa lau jaenña, tañ aêac tasakinñ êsêac nañ auc. ¹⁸ Ma amac ajop taôm êndêñ gêñ, tañ gêjac anseñ suña ñawae. Matem katu gêñ tau e akôc ñagêdô, tañ kêtu Apômtaunê nañ, su atom. Embe anğôm, go lau Israel nêñ gamêñ becoboña êwê kainñ biñ, tañ êtap malac Jeriko sa nañ, êwiñ ma êtap gêñwapac ñanô sa. ¹⁹ Ma silber to gold samob ma laclu, tañ sêmasañ ña ki kokoc to jejec nañ, êtu Apômtaunê gêñ dabuñ naêsêp Apômtaunê kanom.” ²⁰ Amboac tonañ lau sêjam lasê ma sêjac dauc kêtañ. Gêdêñ tañ lau sêñô dauc kêtañ nañ, sêjam lasê ma tuñbôm kêku sa, ma lau sêpi malac sêja. Lau samob gacgenñ sebo sêsa malac sêja ma sêku malac tau tulu. ²¹ Go sesenñ malac samucgenñ su. Êsêac sesenñ ñac to awê ma lau matac to lau ñanô, sesenñ bulimakao to domba ma donki. Êsêac sesenñ gêñ samob su ña sinñ ñamata.

²² Ma Josua kêsôm gêdêñ ñaclagêc, tañ sêkêñ kelenñ gamêñ nañ, gebe “Asô awê mockaino nê andu ana ma akôc awê tau to nê lau samob, tañ sêmoa sêwiñ eñ nañ, sêsa sêmêñ amboac atôc lememeñ gêdêñ eñ nañ.” ²³ Amboac tonañ ñac wakuc luagêc tau, tañ sêkêñ kelenñ gamêñ nañ, sêsô andu

sêja ma sêkôc Rahel to têna agêc tama ma lui to nê lau samob, tañ sêngôn sêwiñ en nañ, sêsa sêmêñ. Êsêac sêkôc ênê lau samob ma sêkêñ êsêac sêngôn lau Israel nêñ gamêñ becoboña ñamagê. ²⁴Ma êsêac sêkêc malac to ñagêñ samob ja geñ. Tagen silber to gold ma ku, tañ sêmasañ ña ki kokoc to jejec nañ, sêkêñ jakêsêp kanom, tañ kêkô Apômtaunê andu nañ. ²⁵Josua gêjam awê mockaino Rahab to tamanê gôlôac ma nê lau samob, tañ sêwiñ en nañ sa. En gêngôn lau Israel ñalêlôm e mêngêdêñ galoc, gebe en gêsa lau jaen, tañ Josua kêsakin gebe sêkêñ kelen malac Jeriko nañ auc.

²⁶Gêdêñ têm tonan Josua kêjatu lau gebe têtôc lemen sêkô Apômtau lanônêmña ma kêsôm gebe “Aêac tapuc boa ñac, tañ êndi mêngêkwê malac Jeriko tonec sa êtiam nañ.

En ênac da alê ñamataña ña nê ñacsêga.

Ma ênac da malac ñakatam ña nê ñac sauñ.”

²⁷Amboac tonan Apômtau gêwiñ Josua ma ênê wae gêjam gamêñ samucgeñ auc.

7

1-26 *

8

1-35 *

* **7:1-26:** 7:1–9:27 Josua gêwê lau Israel nêñ sinwaga sêpi Kanaan ñagamêñ lôcña ma sêku malac Ai tulu. Êsêac sêmoatin poac ten sêwiñ lau Gibeon ñamin gêc tonec. * **8:1-35:** 7:1–9:27 Josua gêwê lau Israel nêñ sinwaga sêpi Kanaan ñagamêñ lôcña ma sêku malac Ai tulu. Êsêac sêmoatin poac ten sêwiñ lau Gibeon ñamin gêc tonec.

9

1-27 *

10

Lau Israel sêku lau gamêḡ gêmu kêsêḡḡa tulu

¹ Kiḡ Jerusalemḡa Adonisedek gêḡô Josua kêku malac Ai tulu to gesen malac tau samucgen su ḡawae. Josua gêgôm malac Ai to ḡakiḡ kêtôm gêgôm gêdêḡ malac Jeriko to ḡakiḡ. Kiḡ tau gêḡô biḡ teḡ gêwiḡ gebe Lau Gibeonḡa sê wama gêdêḡ lau Israel ma sêmoa sêwiḡ êsêac. ² Eḡ gêḡô biḡ tonanḡ ma kêtêc tau gebe Gibeon malac kapôêḡ kêtôm kiḡnêḡ malac ḡagêdô, ma malac tau kapôêḡ kêtêlêc Ai su ma nêḡ lau samob lau toḡaclai. ³ Kêtu tonanḡa kiḡ Jerusalemḡa Adonisedek kêsakiḡ biḡ gêdêḡ kiḡ Hebronḡa Hoham to gêdêḡ kiḡ Jarmutḡa Piram ma gêdêḡ kiḡ Lakiḡḡa Japia to gêdêḡ kiḡ Eglonḡa Debir ma kêsôm gebe ⁴“Api andêḡ aê amêḡmaḡ ma anam aê sa. Aêac tanac Gibeon gebe êsêac sê wama gêdêḡ Josua to lau Israel.” ⁵ Go lau Amor nêḡ kiḡ lemeḡ teḡ tonec, kiḡ Jerusalemḡa to kiḡ Hebronḡa ma kiḡ Jarmutḡa to kiḡ Lakiḡḡa ma kiḡ Eglonḡa sêkac nêḡ siḡwaga sa ma êsêac tonêḡ siḡwaganêḡ toḡ samob sêpi jasêḡi malac Gibeon auc ma sêjac siḡ gêdêḡ malac tau.

⁶ Ma lau Gibeonḡa sêkêḡ biḡ gêdêḡ Josua gêḡa Gilgal ma sêsôm gebe “Ôḡgamiḡ taôm êndêḡ nêḡm sakiḡwaga atom. Ôpi ôndêḡ aêac ômôêḡ sebeḡ ma ônam aêac kêsi to ônam aêac sa. Gebe lau Amor nêḡ

* **9:1-27:** 7:1–9:27 Josua gêwê lau Israel nêḡ siḡwaga sêpi Kanaan ḡagamêḡ lôcḡa ma sêku malac Ai tulu. Êsêac sêmoatiḡ poac teḡ sêwiḡ lau Gibeon ḡamiḡ gêc tonec.

kin samob, tañ sêngôn gamêñ lôcña nan, sêkac sa sêmêñ gebe sênac sin êndêñ aêac.” ⁷ Ma Josua gêdi anga Gilgal ma kêpi gêja. Sinwaga to lau tonac lai samob sêsêlêñ sêwiñ eñ. ⁸ Ma Apômtau kêsôm gêdêñ Josua gebe “Ôtêc êsêac atom, gebe aê kakêñ êsêac sêsêp aôm lêmam sugac. Êsêacnêñ ñac teñ oc êkô aôm auc atom.” ⁹ Josua gêdi anga Gilgal ma kêsêlêñ gêdêñ gêbêc samuc tonañ ma gêo lasê gêdêñ êsêac e têtakê. ¹⁰ Ma Apômtau gêgôm êsêacnêñ meloco kêsa e sêc lau Israel, tañ sêjac êsêac ñanô anga Gibeon nan su. Lau Israel sêjanda êsêac sêsêp intêna Bet-Horonña, ma sêjac êsêac e jadêdêñ Aseka to Makeda. ¹¹ Gêdêñ tañ êsêac sêc lau Israel su sêsêp intêna Bet-Horonña sêja nan, Apômtau tau kêbaliñ poc kapôêñ anga undambê jakêruc êsêac e jasêo lasê Aseka, ma êsêac sêmac êndu. Lau tañ sêmac êndu kêtû kom pocña nan, taêsam sêlêlêc lau, tañ lau Israel sêjac ña sin êndu nan su.

¹² Gêdêñ bêc, tañ Apômtau kêkêñ lau Amor sêsêp lau Israel lemeñ nan, Josua kêkô lau Israel lanôñnêm ma kêsôm gêdêñ Apômtau gebe “Aôm oc, ôkô ñañêñ anga Gibeon ma aôm ajôn, anga gaboan Aijalon.”

¹³ Ma oc kêkô ñañêñ ma ajôn kêkô amboac tonanğen e lau sêkac kamocgôc gêbacnê.

Biñ tonañ teto gêc Jasarnê buku gebe Oc tau kêkô umboñ ñaluñ ma kêkac tau gebe naêsêp atom, kêkôğen kêtôm bêc samuc teñ. ¹⁴ Bêc teñ kêtôm tonañ gêc gêmun atom ma gêc atom e mênğêdêñ galoc. Gêdêñ bêc tonañ Apômtau kêkêñ taña ñac teñ awa ñam gebe Apômtau gêjac sin gêjô Israel.

15 Go Josua ma lau Israel samob sêc sêmu sêja nêŋ gamêŋ Gilgal kêtiam. 16-43 *

1-23 *	11
1-24 *	12
1-33 *	13
1-15 *	14
1-63 *	15
1-10 *	16

* **10:16-43:** 10:16–23:16 Lau Israel sêku gamêŋ Kanaan samucgeŋ tulu. Êsêac sêpuc kapoac e nêŋ gôlôacmôkê têtap nêŋ nom ŋasawa sa kêtômgeŋ. * **11:1-23:** 10:16–23:16 Lau Israel sêku gamêŋ Kanaan samucgeŋ tulu. Êsêac sêpuc kapoac e nêŋ gôlôacmôkê têtap nêŋ nom ŋasawa sa kêtômgeŋ. * **12:1-24:** 10:16–23:16 Lau Israel sêku gamêŋ Kanaan samucgeŋ tulu. Êsêac sêpuc kapoac e nêŋ gôlôacmôkê têtap nêŋ nom ŋasawa sa kêtômgeŋ. * **13:1-33:** 10:16–23:16 Lau Israel sêku gamêŋ Kanaan samucgeŋ tulu. Êsêac sêpuc kapoac e nêŋ gôlôacmôkê têtap nêŋ nom ŋasawa sa kêtômgeŋ. * **14:1-15:** 10:16–23:16 Lau Israel sêku gamêŋ Kanaan samucgeŋ tulu. Êsêac sêpuc kapoac e nêŋ gôlôacmôkê têtap nêŋ nom ŋasawa sa kêtômgeŋ. * **15:1-63:** 10:16–23:16 Lau Israel sêku gamêŋ Kanaan samucgeŋ tulu. Êsêac sêpuc kapoac e nêŋ gôlôacmôkê têtap nêŋ nom ŋasawa sa kêtômgeŋ. * **16:1-10:** 10:16–23:16 Lau Israel sêku gamêŋ Kanaan samucgeŋ tulu. Êsêac sêpuc kapoac e nêŋ gôlôacmôkê têtap nêŋ nom ŋasawa sa kêtômgeŋ.

1-18 *

17

1-28 *

18

1-51 *

19

1-9 *

20

1-45 *

21

1-34 *

22

1-16 *

23

* **17:1-18:** 10:16–23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtâp nêḡ nom ḡsawa sa kêtômgeḡ. * **18:1-28:** 10:16–23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtâp nêḡ nom ḡsawa sa kêtômgeḡ. * **19:1-51:** 10:16–23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtâp nêḡ nom ḡsawa sa kêtômgeḡ. * **20:1-9:** 10:16–23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtâp nêḡ nom ḡsawa sa kêtômgeḡ. * **21:1-45:** 10:16–23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtâp nêḡ nom ḡsawa sa kêtômgeḡ. * **22:1-34:** 10:16–23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtâp nêḡ nom ḡsawa sa kêtômgeḡ. * **23:1-16:** 10:16–23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtâp nêḡ nom ḡsawa sa kêtômgeḡ.

24

Josuanê awamu

¹ Go Josua kêkac lau Israel nêḡ gôlôacmôkê samob sa anḡa Sikem. Enḡ kêkalem lau Israel nêḡ lau ḡanô to laumata ma nêḡ gôlinḡwaga to kasêga samob sa jasêkô Anôtô lanḡônêm. ² Go Josua kêsôm gêdêḡ lau samob gebe “Apômtau, lau Israel nêḡ Anôtô, kêsôm binḡ tonec gebe ‘Gêdêḡ andanḡenḡ amac tamemi Abraham agêc Nahor tamenḡi Tara sêḡḡonḡ bu Euprat ḡamakenḡ ôḡnêḡa, ma sêḡam sakinḡ gêdêḡ anôtôi jaba. ³ Go aê kakôc amac tamemi Abraham su anḡa bu ḡamakenḡ ôḡnêḡa ma gawê enḡ kêsêlêḡ kêtôm gamêḡ Kanaanḡa samob. Aê kakêḡ êḡnê wakuc têtû taêsam. Aê kakêḡ Isak gêdêḡ enḡ. ⁴ Ma kakêḡ Jakob agêc Esau gêdêḡ Isak. Aê kakêḡ gamêḡ lôcḡa Seir gêdêḡ Esau gêwê kainḡ, mago Jakob to nê latui sêsêp Aiguptu sêḡa. ⁵ Go kasakinḡ Mose agêc Aron ma kakôninḡ Aiguptu ḡa gêḡwapac, taḡ ḡagôm anḡa gamêḡ tau naḡ. Su, go gawê amac asa amêḡ. ⁶ Aê gawê amac tamemi sêsa anḡa Aiguptu sêmêḡ e aô lasê gwêc. Ma lau Aiguptu sêḡanda amac tamemi ḡa kareta to hos e jadêdêḡ Gwêckoc. ⁷ Ma êsêac awenḡ gêḡjac Apômtau ma enḡ kêkêḡ gêsunḡbôm ḡenḡ amac to lau Aiguptu kêsi to gêḡgôm gwêc kêmakop e kêsalê êsêac auc. Amac matemanô alic gêḡ, taḡ aê ḡagôm gêdêḡ Aiguptu naḡ su. Amac amoa gamêḡ sawa ḡasawa balinḡ. ⁸ Go aê gawê amac aô lasê lau Amor, taḡ sêḡḡonḡ Jordan ḡamakenḡ ôḡnêḡa naḡ, nêḡ gamêḡ. Gêdêḡ taḡ kakêḡ êsêac sêsêp amac lemem ma amac akôc êsêacnêḡ gamêḡ su naḡ, aê gasenḡ êsêac gamunḡ amac. ⁹ Go kinḡ Moabḡa Sipor latu Balak gêdi ma gêḡjac sinḡ

gêdêñ Israel. En kêsakiñ biñ gêdêñ Beor latu Bileam gebe êmêñ ma êpuc boa amac. ¹⁰ Mago aê kakêñ tañoc Bileam atom, tec en gêjam mec amac. Gagôm amboac tonañ, tec gajam amac kêsi ança Balak lêma. ¹¹ Go amac alom bu Jordan e aô lasê malac Jeriko. Ma lau Jerikoña sêjac siñ gêdêñ amac. Mago lau Jeriko taunğen atom, lau Amor to Peres ma Kanaan to Het ma Girgas to Hiw ma Jebus amboac tonanğen. Mago aê kakêñ êsêac sêsêp amac lememe. ¹² Aê kasakiñ banic gêmun ma kêjanda lau Amor nêñ kiñ luagêc gêmun amac. Amacnême siñ to talam gêgôm atom. ¹³ Aê kakêñ gamêñ ten, tañ ajam kôm kêpi atom nañ, gêdêñ amac ma kakêñ malac, tañ amac akwê sa atom nañ, gêdêñ amac anğon. Amac aen kôm wainça to katêkwi, tañ asê atomanô nañ ñanô.’

¹⁴ “Amboac tonañ galoc atêc Apômtau to anam sakiñ en têmtac makeñ ma tonême ñalêlôm ñanğenğen. Atiñ anôtôi jaba, tañ tamemi sêjam sakiñ ança bu ñamakeñ onêña to ança Aiguptu nañ su, ma anam sakiñ Apômtau. ¹⁵ Mago amac embe andec gebe anam sakiñ Apômtau, go ocsalô tonec ajaliñ anôtôi, tañ abe anam sakiñ nañ sa. Abe anam sakiñ anôtôi, tañ tamemi sêjam sakiñ ança bu ñamakeñ onêña nañ, me lau Amor, tec anğon êsêacnêñ gamêñ nec, nêñ anôtôi me. Mago aê to ñoc gôlôac abe anam sakiñ Apômtaugen.”

¹⁶ Go lau tau sêjô en awa gebe “Biñ tonec gebe awi Apômtau siñ ma anam sakiñ anôtôi jaba nec ênac jaê aêac, ¹⁷ gebe Apômtau, aêacnêñ Anôtô, gêwê aêac to tamenï tapi ança Aiguptu tamêñ ma gêwê aêac dawï andu kapoacwalôña siñ. En gêgôm

gêñsêga kain̄ teñ aêac talic ma gejob aêac aña intêna samob, tañ tasa nañ, ma gejob aêac gêdêñ tañ tasêlêñ tasêp lau tomôkê-tomôkê ñalêlôm nañ. ¹⁸ Ma Apôm̄tau kêjanda lau tomôkê-tomôkê gêmun̄ aêac, eñ kêjanda lau Amor, tañ sêngôñ gamêñ tonec nañ, amboac tonan̄geñ. Kêtu tonan̄ña aêac abe anam sakin̄ Apôm̄tau amboac tonan̄geñ, gebe eñ kêtu aêacnêñ Anôtô.”

¹⁹ Mago Josua kêsôm gêdêñ lau tau gebe “Amac atôm gebe anam sakin̄ Apôm̄tau atom, gebe eñ Anôtô dabun̄. Eñ gêjam lêmun̄ lau gebe têtac êwiñ eñ taugen̄. Eñ oc êsuc amacnêñ bin̄ agêli bin̄sun̄a to nêñ sec ôkwi atom. ²⁰ Eñ kêmoasin̄ amac su, mago amac embe awi eñ sin̄ ma anam sakin̄ anôtôi jaba, go ênam dêmôê amac ma êngôm amac sec to enseñ amac su.” ²¹ Ma lau sêsôm gêdêñ Josua gebe “Masi, aêac abe anam sakin̄ Apôm̄tau.” ²² Ma Josua kêsôm gêdêñ lau gebe “Amac taôm awa taôm sa gebe ajalin̄ Apôm̄tau sa gebe anam sakin̄ eñ.” Ma êsêac sêsôm gebe “Aêac awa tauñ sa sugac.” ²³ Eñ kêsôm gebe “Amboac tonan̄, go atin̄ anôtôi jaba, tañ sêc amac ñalêlôm nañ su, ma akêñ nêñ ñalêlôm êndêñ Apôm̄tau, Israelnêñ Anôtô.” ²⁴ Ma lau sêsôm gêdêñ Josua gebe “Aêac anam sakin̄ Apôm̄tau, aêacnêñ Anôtô, to tañeñ wamu ênê awa.” ²⁵ Tec gêdêñ bêc tonan̄ Josua kêmoatin̄ poac gêwiñ’ lau ma kêmasañ bin̄su to ñagôlin̄ kêtu êsêacña aña Sikem. ²⁶ Ma Josua keto bin̄ tonan̄ kêsêp Anôtônê bin̄su ñabuku. Ma eñ kêkôc poc kapôeñ teñ jagêjac sa aña kamem, tañ kêkô Apôm̄taunê gamêñ dabun̄ nañ ñalabu. ²⁷ Ma Josua kêsôm gêdêñ lau samob gebe “Alic acgom, poc tonec êtu ñabelo êwa aêac

saņa, gebe gêṅô Apômtaunê biṅ samob, taṅ eṅ kêsôm gêdêṅ aêac naṅ gêwiṅ. Kêtu tonanṅa amac embe ansa nêṁ Anôtô auc, go poc tau êtu ṅabelo êwa amac saņa.”²⁸ Go Josua kêsakiṅ lau sêc sêja nêṅ nomlênsêṁ gêdêṅ-gêdêṅeṅ.

Josua agêc Eleasar sêmac êndu

²⁹ Biṅ tonanṅ gêbacnê, go Apômtau nê sakiṅwaga Nun latu Josua gêmac êndu. Ênê jala kêtú 110.³⁰ Ma êsêac sêsuṅ eṅ aṅga tau nê nomlênsêṁ ṅamalac Timnat-Serat, taṅ gêc lôc Gas ṅagamêṅ gêmu kêpiṅa aṅga Epraim ṅagamêṅ lôcṅa.

³¹ Ma lau Israel sêjam sakiṅ Apômtau gêdêṅ bêc Josua gêmoa mata jaliṅa samob. Eṅ gêmac êndu su ma laumata ṅagêdô, taṅ sêlic kôm, taṅ Anôtô gêjam kêpi lau Israel naṅ, gacgeṅ sêmoa. Tec lau Israel sêjam sakiṅ Apômtau gêdêṅ laumata tonanṅ nêṅ bêc sêmoa mateṅ jaliṅa samob amboac tonanṅeṅ.

³² Josepnê ṅatêkwa, taṅ lau Israel sêkôc aṅga Aiguptu sêmêṅ naṅ, sêsuṅ aṅga Sikem kêsêp nom, taṅ Jakob gêjam ôli ṅa mone silber 100 gêdêṅ Sikem tama Hamor latui naṅ, ṅasawa teṅ. Gamêṅ tau kêtú Josepnê wakuc nêṅ nomlênsêṁ teṅ.

³³ Ma Aron latu Eleasar gêmac êndu ma sêsuṅ eṅ aṅga latu Pinehas nê malac Gibeá. Êsêac sêkêṅ malac, taṅ gêc Epraim ṅagamêṅ lôcṅa naṅ, gêdêṅ eṅ.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 11 Nov 2022 from source files dated 9 Oct 2020

447e01c5-a375-5452-ae54-b3f890293eeb